



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Illvstri Regi Anglorvm.

urn:nbn:de:hbz:466:1-20006

ILLVSTRI REGI ANGLORVM.

erga sedem apostolicam impeditet, præterim in illo negotio quod super imperij Romani ordinatione versatur. Nulli ergo &c. nostra concessionis &c. Si quis autem &c. Datum.

TREVIRENSI ARCHIEPISCOPO.

Epiſt. 26. **G**RATIUM contra te nobis venerabilis frater noster Coloniensis Archiepiscopus querimoniam destinavit, quod cum ei juramento præstito promisces te recepturum & habiturum pro Rege quem ipse reciperet & haberet, & ut hoc plenius observares, thesaurum Colonensis Ecclesiæ pro certa tibi pecunia obligasset, tu haec tenus nec juramentum servasti, nec restituisti thesaurum. Quia vero secundum Apostolum sapientibus sumus & insipientibus debitores, unde nec volumus nec debemus postulantibus iustitiam denegare, fraternitati tuae per apostolica scripta præcipiendo mandamus quatenus si res ita se habet, eidem Archiepiscopo taliter satisfacias de premissis quod ei justa de te non remaneat materia conquerendi. Alioquin & thesaurum illi restitus, & de juramento non observato te nostro conspectu responsurum usque ad initium quadragesima representantes. Quod si facere forte contempseris, noveris nos venerabili fratri nostro Camerensi Episcopo dedisse firmiter in mandatis ut sublato contradictionis & appellationis obstatu te ab officio pontificali suspendat, tuamque nobis non differat contumaciam intimare. Datum.

Cameracensi Episcopo scriptum est super hoc.

MAGNTINO ARCHIEPISCOPO,
Episcopo Sabinensi.

Epiſt. 27. **C**ARISSIMUM in Christo filius noster Otto, de quo in Regem electo & coronato quid nobis complacet, tua, sicut credimus, fraternitas non ignorat, gravem nobis querelam contra Landgravium Thuringiæ destinavit, quod cum ei fecisset hominum & fidelitatem jurasset, de manu ejus multis præsentibus regalia recipiens cum vexillo, & ut pleniū & firmiū quod juraverat observaret, certam illi dedisset pecunia quantitatim & Northusiam contulisset in feudum, ipse tamen & quod juraverat non servavit, & adhuc detinet quæ recepit. Nos autem in hoc fraternitati tuae cupientes deferre, quam sincera diligimus caritate, cum idem Landgravius neptem tuam habeat in uxorem, fraternitati tuae per apostolica scripta mandamus quatenus ipsum ex parte tam nostra quam tua moneas attentiū & inducas ut si forte juramenti religionem contra salutem & famam suam transgredi non veretur, saltem restituat quæ recepit. Alioquin, quantumcunque sibi deferre pro tuo velimus honore, quia tamen fatus sumus secundum Apostolum sapientibus & insipientibus debitores, unde nec volumus nec debemus postulantibus iustitiam denegare, ipsum ad alterum prædictorum per excommunicationem in personam & interdictum in terram secundum officij nostri debitum compellemus. Datum &c.

Cameracensi Episcopo scriptum est super hoc.

Illa te cordis puritate diligimus ut quoties prudenter resonant & virtutem, jucundo tibi congratulemur affectu, & si quid forte de tuis audimus operibus quæ famæ tuæ derogant & honori, macto tibi spiritu condoleamus, cupientes ea te temper effere quæ ad profectum & exaltationem regie sublimitatis accedant, & ab iis penitus abstinere quæ tibi vergunt ad injuriam & iacturam. Sanè quid egeris circa carissimum in Christo filium nostrum OttoneM Hoveden ad nepotum tuum tua te conscientia conveniat & accuseret; & utinam ita fatigas super hoc tuum errorem corrige ut infamiam aboles & iacturam. Quia vero, quantumcunque tibi deferre velimus, postulantibus iustitiam nolumus denegare, cum secundum Apostolum sapientibus sumus & insipientibus debitores, ad gravem prænominationis nepotis tui querelam paternum respectum habentes, serenitatem tuam monemus attentiū & exhortanur in Domino, per apostolica scripta mandantes quatenus pecuniam quam inclytæ recordationis Richardus Rex frater tuus ei testamento legavit, ad cuius solutionem juramento diceris obligatus, ipsi solvere non omittas, ut sua saltē illi restitus qui de tuis ei debueras subvenire. Alioquin nos in sua sibi iustitia nulla deerimus ratione quod minū secundum officij nostri debitum procedamus. Datum.

Cantuarensi Archiepiscopo scriptum est super hoc.

DELIBERATIO DOMINI PAPÆ
Innocentij super factu imperij de tribus electis.

IN nomine patris & filij & spiritus sancti. Interest apostolice sedis diligenter & prudenter de imperij Romani provisione tractare, cum imperium noscatur ad eam principaliter & finaliter pertinere; principaliter, cum per ipsam & propter ipsam de Graecia sit translatum, per ipsam translationis aëtricem, propter ipsam melius defendendam; finaliter, quoniam Imperator à summo Pontifice finalē lūve ultimam manus impositionem promotionis propriè accipit, dum ab eo benedicitur, coronatur, & de imperio investitur. Quod Henricus optimè recognoscens, à bonæ memoria Celestino Papa prædecessore nostro, post suscepit ab eo coronam, cum aliquantulam abscessisset, rediens tandem ad se, ab ipso de imperio per pallam auream petiti investiri. Sicut autem super tres sunt in Reges electi, puer*, Philippus, & Otto, sic tria sunt circa singulos attendenda, quid licet, quid deceat, quid expedit. Circa puerum quidem filium cilie. Imperatoris Henrici facie prima videtur quod non licet contra ejus electionem venire, quæ * juramento est Principium robورata. Nam etiā juramentum illud videatur violenter extortum, non est tamen ideo non servandum, cum licet juramentum quod Gabaonitis præstiterunt filii Israel fuerit per fraudem subreptum, illud tamen nihilominus decreverint obserendum. *Vide gesta Innoc. III. cap. 19. & Go- derid monac. S. Pantaleon. ad ann. 1196. & 1199.*

Epiſt. 28.

Vide Roger de
Hoveden ad
an. 1200. pag.
799. & 801.
edit. Francof.